

सानसेयारि "बड'सा" खीरालाइयाव समाज्यादि जिउजो लोब्बा थानाय रायथाय, रन्थाय, सल', सल'बाथा आरु दावबायारि थावनि, पार्क बाइदिनि आयाव लिन्नाय लिन्बिदां दैथाय हर/सानसेयारि "बड'सा" खीरालाइया खेबरानानै फोसावगोब।

बड'सायाव लिन्हरनायनि हुबा खालाम्, "बड'सा" खीर नोथां, जो बयबो आंगो खालाम्।

सानसेयारि बड'सा मावखुलि

माइवं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com



BODOSA ★ A Bodo News Daily ★ Wednesday ★ 03 November, 2021 Kokrajhar, BTC, Assam ★ Vol.- 31, Issue No. 216 ★ R.N.I.Regd.No.40994/91, Assam Govt.Regd.No.IPRD.40/2006/13, ★ Rs.8/-

# बे देरहानाया राइजो-राजाफोरनिसो देरहासारनाय : जलेन इउपिपिएल नि बिजाथि जिरन बसुमतारिआ गसाइगाव आरो जलेन दैमारीआ तामुलपुरनिफ्राय देरहाबाय

गसाइगाव/तामुलपुर, 2 नभेम्बर: आसाम बिधान सभानि गासै मोनबा बिधान सभा बियाबफोरव खुनाय उफ्रा बिसायख 'थिनि फिथाय फोसावजानायनि उनावो दिने गसाइगाव आरो तामुलपुराव दोलोन मदतगिरिफोर रंजायो। गसाइगाव सहराव थानाय बिजेपि आरो इउ पिपिएल दोलोन मावखुलियाव रंजानायनि दोहो नुनो मोनो। जे होनानै आर'नाइ, बिहु फालि आरो बिबर मालाजो बरायो इउपिपिएल दोलोन देरहासाद



बिजाथि जिरन बसुमतारिखो। बे उफ्रा बिसायख 'थियाव जिरन बसुमतारिआ मोन 59,769 भट मोन्नानै देरहासार जानो हायो। बिथाइ कंग्रेसनि बिजाथि जुवेल तुडुखो मोन 28,252 भटनि फारागथियाव फेजेनानै देरहासार जायो। कंग्रेस बिजाथि जुवेल तुडुआ मोन 30,342 भट मोन्नो हायो। गुबुनफारसैथि बिपिएफनि बिजाथि धुब कुमार ब्रह्म नार्जोआ मोन 20,435 भट, एआइ इउडिएफनि बिजाथि (□ 5 बिलाइआव)

## चिरांआव सानै ड्रागस फालांगिरि हमदों

बासुगाव, 2 नभेम्बर: जाय समाव माखासे लाइमोनफोरा सोल्लोथाइ लानानै गावनि आथिडव गसंथानो हानायनि थाखाय नाजागासिनो दं बे समावनो माखासे लाइमोनफोरा ड्रागस बायदि फेरा मुवा फालांगि खालामनायाव नांथाबनाया दिथागिरिफोरनि थाखाय जिगासिनो गोनां जानानै फेदों। बे बायदि समनि गेजेरावनो दिने चिरां जिल्लानि रुनिखाता ओन्सोलाव सानै ड्रागस फालांगिरिफोरखो हमदों हायो। चिरांनि सानै लाइमोन फारियै- बिष्णु चेत्रि आरो अखिल घषखो ड्रागस फालांगि खालामनायाव थानाय समावनो (□ 5 बिलाइआव)

## राइजो-राजानि अन्सायनायनि थाखायनो बे उफ्रा बिसायख 'थियाव देरहासात फिथायखो मोनफुंनो हादों : गिबि मन्थि

उफ्रा बिसायख 'थियाव मोनबा बियाबखौबो देरहाजोबनायनि उनावो खौरां मेल खुंदों गिबि मन्थिआ

गुवाहाटी, 2 नभेम्बर: दिने फोसावनाय उफ्रा बिसायख 'थिनि फिथायखो मोन्नायनि उनावो हेडेराबारिआव थानाय बाजपेयो भवनाव खौरां मेल खुनानै गिबि मन्थि ङ हिमन्त बिश्व शर्माआ बुडोदि, बिजेपि दैदेनाय जुथाय हान्जाखो देरहा होनायनि थाखाय राइजो-राजाफोरनो साबायख 'र जासियो। राइजो-राजानि अन्सायनायनि थाखायनो बे उफ्रा बिसायख 'थियाव देरहासात फिथायखो मोनफुंनो



हादों। बेनि थाखाय बिसायख 'थिनि सिगां होनाय मोनफुंनो बाध्राफोरखौनो गोखोडे मावफुंलानाय जागोन होनानै शर्माआ बुडो। मिज 'रम,

नागालेण्ड, मेघालय आरो आसामाव नेडानि देरहासात (□ 5 बिलाइआव)

## माहारियारि आयुर्बेद सानजों लोब्बा लाखिनानै सांग्रथियारि मेल खुंदों

बासुगाव, 2 नभेम्बर: माहारियारि आयुर्बेद सानखो सानसेनि हावाफारिजों चिरां जिल्लानि बासुगावआव खुनाय जायो। ओन्सोलनि मार'वारी धर्मशालानि बादायाव खुनाय हावाफारियाव फुर्बिलि समाव (□ 5 बिलाइआव)

## भवानिपुर बिधान सभा बियाबआव जुथाय दोलोन बिजाथि फनिधर तालुकदारआ देरहाबाय

मुंखलं खर्गोस्वर तालुकदारनि जिउमाया दिने गोजोन मोनसिगोन: भवेश कलिता

भवानिपुर, 2 नभेम्बर: थानाय 30 अक्टबरआव आसामनि दरबा बिधान सभा बियाबनि उफ्रा बिसायख 'थिनि फिथाइआ दिने फोसावजाबाय। भवानिपुर बिधान सभा बियाबआव जुथाय दोलोन बिजाथि फनिधर तालुकदारआ गां 25641 भटनि फारागथिआव कंग्रेसनि बिजाथिखो फेजेनानै देरहानो हायो। दिने भतदेब मुलुग सोल्लोसालिआव भट सान्नाया जोबनायनि उनाव भवानिपुर बिधान सभा बियाबनि उफ्रा बिसायख 'थिनि फिथाइ बादियै बिजेपिनि एवा जुथाय दोलोन बिजाथि फनिधर तालुकदारआ गां 64200 भट मोन्नो हायो, कंग्रेसनि बिजाथि शैलेन्द्रनाथ दासआ गां 38559 भट, एआइइउडिएफनि बिजाथि जुब्बास आलीआ गां 6430 भट आरो भिपिआइ दोलोन बिजाथि सिबेन दासआ गां 842 भट मोनो। साब्रै उदां बिजाथिफोर फारियै -खाम्फा खुंगुर गयारिआ गां 823, सौकत



आली आहमेदआ गां 707, मेराजुल हकआ गां 560 आरो आरिफुल इस्लामआ गां 565 भट मोनो। मख 'नो गोनांदि, थानाय खेबथाम बिसायख 'थियाव ए आइ इउ डि एफ दोलोन बिजाथिआ देरहानाय भवानिपुर बिधान सभा बियाबआव बे खेबनि उफ्रा बिसायख 'थियाव गोवां भटनि फारागथिआव देरहादों बिजेपि (□ 5 बिलाइआव)

## उफ्रा बिसायख 'थिनि फिथाय: मरियनि बियाबआव 40 रोजानि बांसिन भट मोन्नानै रुपज्यति कुर्मिआ देरहाबाय

गुवाहाटी, 2 नभेम्बर: दिने उफ्रा बिसायख 'थिनि फिथाय फोसावजानाय बादियै रेकर्ड अन्जिमानि भटआव मरियनि बियाबआव देरहाबाय बिजेपि जुथाय दोलोन बिजाथि रुपज्यति कुर्मिआ। बेरेखा कंग्रेस दोलोन बिजाथिनिखुइ गां 40104 भटनि फारागथिआव रुपज्यति कुर्मिआ देरहायो। भट (□ 5 बिलाइआव)



## जयपुरआव माहारियारि आयुर्बेद साननि हावाफारिआव मिरु मन्थि सर्बानन्द सनवालआ बाहागो लादों

हिमाचल प्रदेशनि पन्सकुलानि माहारियारि आयुर्बेदिक फसंथाननि थाखाय 260 कौटि रां गथायगोन: सर्बानन्द सनवाल

जयपुर, 2 नभेम्बर: जयपुरनि माहारियारि आयुर्बेदिक फसंथानआ पषननि थाखाय आयुर्बेदिकनि आयदाफारिखो लानानै आरो साखोन-सिखोन आरो गोगो देहानि थाखाय आयुष राहाखो थुलुंगाखांहोनायनि थांखिजों साननैनाडे माहारियारि आयुर्बेद साननि हावाफारि खुदों। दिने माहारियारि आयुर्बेदिक सानखो लोब्बा लानानै जयपुरआव



खुंफुंजानाय बे हावाफारिआव जाहाज गाथोन, जाहाज हान्था-गाहाय आलासि महरै मेला आरो दै लामा मन्थि नुजाथिफेदों मिरु आयुष आरो (□ 5 बिलाइआव)

## मिरु राइज्यो नख 'र मन्थि नित्यानन्द रायआ चिरां दावबायफैदों

# भारतआ सिमना रैखाथि आरो सार्वभौमनि बेलायाव माब्लाबो आपस खालामा : नित्यानन्द राय

काजलगाव, 2 नभेम्बर: भारतआ आथिखालनि समाव सिगांनि बायदि जानानै गेलिया। गाहाय मन्थि नरेन्द्र मदिनि दैदेनायाव बेयो 21 थि जौथायनि भारतसो। मदिनि दैदेनायाव हादतनि सान्थि हान्जा आरो रैखाथि हान्जानि गोसोनि बोलोखो गोख्रों खालामनाय जादों आरो हादतनि सिमनाखौ रैखाथि गोनां खालामदों। मानोना भारतआ माब्लाबाबो सिमना रैखाथि आरो सार्वभौमनि बेलायाव आपस खालामा। बे बिबुंथिखो होदों मिरुनि नख 'र



राइज्यो मन्थि नित्यानन्द रायआ। जिल्लानि काजलगावआव बेटेलियनि गाहाय मावखुलि मन्थि रायआ दिने चिरां थानाय एसएसबिनि 15 न नायगिदिनाय समाव खौरांगिरिनि

सिगाडव बे बाध्राखो बुडो। काजलगावनि एसएसबि गाहाय मावखुलियाव नुजाथि फैनानि उनावो मन्थि रायआ एसएसबिनि जवानफोरनो साबायख 'र होयो आरो बेनि उनाव गोदानै लुफुंनय बेरेक आरो मावफारिया क्वार्टरखो बेखेवनानै होयो। मिरु मन्थि रायआ एसएसबि जवानफोरजों सावयलायनानै हादत रैखाथिनि बेलायाव जवानफोरनि सिबिथाय होनानै बाउसोमनायखो बाख्नायो। बिथाइ जवानफोरनि गोसो गोर (□ 5 बिलाइआव)

## उफ्रा बिसायख 'थियाव बिजेपि दैदेनाय जुथाय हान्जानि क्लीन सुइप



कक्राझार, 2 नभेम्बर: आसाम बिधान सभानि उफ्रा बिसायख 'थियाव क्लीन सुइप खालामनाय बिजेपि दैदेनाय जुथाय हान्जाया। दिने

फोसावनाय मोनबा बियाबनि भट सान्नायनि फिथाय बायदियै बेरेखा दोलोखो मोनफ्रोम बियाबावनो फेजेन जोबनानै गासैबो बियाबावनो देरहानानै जुथाय हान्जानि बिजाथिफोर देरहानायनि रंजानाय लानो हायो। मोनबा बियाबनि गेजेराव मोनथामखो बिजेपि आरो मोनैखो इउपिपिएल दोलोन बिजाथिया देरहायो। थाउरा बियाबाव गोदानै हाबफेनाय बिजेपिनि मुशान्त बराहाइआ गोवां भटजों देरहानो हायो। बिथाइ 30,561 भटनि फारागथियाव देरहानो हायो। (□ 5 बिलाइआव)













# भारतीय क्रिकेट टीम जेन्नायनि आन्दोआव आइसिसि आरो बिसिसिआइनिबो समान दाय दं

गोदान दिल्ली, 2 नभेम्बर: इउएइ आरो अमानाव गेलेनाय टी-20 वर्ल्ड कापनि फ्रेक्टिस मेचफोराव इलेन्ड आरो अस्ट्रेलिया बायदि गोखों टीमफोरखों फेजेन्नाय भारतीय क्रिकेट टीमआ सुपार 12 स्टेजनि थाखोयाव पाकिस्तान आरो इलेन्डनि टीमजों जेन्नाबाय। खेबनैबो मेचआव गात्रियै जेन्नायनि जाउनाव भारतीय टीमनि सेमिफाइनलआव सौहैनगौआ गोब्राबसिन जाबाय। टीमनिफ्राय गात्रियै दिन्थिफुनाय आरो जेन्नायनि सायाव भिरट कहलि आरो रहित शर्मा बायदि टीमनि बेरखादों। भारतीय टीमनि जेन्नायनि आन्दोयाव गेलेगिरिफोरनि गात्रियै दिन्थिफुनायनि अनगायैबो बिसिसिआइ आरो आइसिसिनि समानैनो दाय दं। आथिखालआव खुंजानाय टी-20 वर्ल्ड कापनि मेचआ इउएइ



आरो अमानाव खुंजागसिनो दं। जेराव मोनाबिलिनि समाव निहरिनि बिबाड बांसिनै जायो। बेबायदि थासारियाव टसआव देरहानाय टीमफोरा जेब्लाबो उननि समाव भेटिं खालामनायनि थांखि लायो। जाउनाव भारतजों लोगोसे माखासे टीमफोरा जेन्नायजों मोगा-मोगि जानांगसिनो दं। बिसिसिआइ आरो आइसिसिआ

बेबायदि थासारिखों मिबथिसेयावबो भारतनि गासैबो मेचफोरखों मोनाबिलि समावनो थि खालामबोदों। पाकिस्तान आरो निउजिलेन्डनि हेंथायै भारतनि जेन्नायनि आन्दोयावबो टसनि जेन्नानाया गोबाडै नो गोहोम होदों। भारतनि हेंथायै जानाय मेचआव पाकिस्तान आरो निउजिलेन्डनि टीमआ टसआव देरहाना नै गिबियै बलिं

खालामनायनि थांखि लादोंमोन। जायनि जाउनाव पाकिस्तानआ उननि समाव देरहानाय राननि थांखिआव ओंखारना नै मोजाडै गेलेना दिन्थिफुनादोंमोन। बेफोरनि अनगायैबो भारतीय टीमनि खेबसे जेन्नाया डुबाइ स्टेडियामनि सायावबो जादों। भारतीय टीमनि खेबबा मेचनि गेजेराव खेबनै मेचआनो बे मेचआव खुंफुंजागोन। □

## टी-20 वर्ल्ड काप: इलेन्डनि बेटसमेन जस बटलारा जारिमिन सोरजिदों



गोदान दिल्ली, 2 नभेम्बर: मुंदांखा बेटसमेन जस बटलारनि 101 रान लानायनि मदतजों इलेन्डआ समबाराव गेलेनाय मेचआव श्रीलंकाखों 26 रानाव फेजेन्ना नै सेमिफाइनलआव जायगा आवग्रिगोननि फासे रोखा खालामबाय। टीमनिफ्राय जागायजेन्नाय मेचनिफ्रायनो मोजाडै गेलेना दिन्थिफुनायजों बटलारा टीमनिफ्राय गिदित रान लाखिनायाव गोबां बिहोमा होयो। बिथाड 6 खेब 4 रान आरो माखासे 6 रान लानायनि गेजेरजों सेन्सुरि लानायव

जाफुंसारदों। बादायलायनाय मेचआव मोजाडै गेलेना दिन्थिफुनायजों बिथाड टी-20 मेचनि जोबथा बलाव 6 रान लानायजों सेन्सुरि लाखिनायनि थाखोयाव गिबियै रेकर्ड लाखिदों। लोगोसे इलेन्डनि टीमनिफ्राय बिथाड हारिमायारि क्रिकेटनि मोनथामबो फर्मेटआव 100 रान लाखिनो हानायनि रेकर्ड लाखिबाय। गिबियै बेटिं खालामनाय इलेन्डनि टीमआ 35 रानसिमाव सा 3 उडकेट खोमादोंब्लाबो 4 थि उडकेटनि थाखोयाव बटलारा उडकेट खोमानाडजासे 67 बलाव 101 रान लानो हायो। टीमनि केपेन इयन मार्गनआ 36 बलाव 40 रान लादों। बिथामोननि जराया ब्रैथि उडकेटनि 78 बलाव 112 रान लाना नै टीमखों 163 रानसिम सौहैहोनायाव मदत खालामो। इलेन्डआ गिबि 10 अभावाव 47 रान लानो हादों। ब्रैथि उडकेटनि थाखोयाव बेटिं खालामनो ओंखारनाय बटलारा चमिका करुणारत्नेनि 13 थि अभावाव बल खुबैनायाव 14 रान लादों। बटलारा 45 बलाव हाफ सेन्सुरि लादों। फास्ट बलार लाहिर कुमारनि 15 थि अभावाव इलेन्डनि टिमआ 22 रान लानो हादों। □

## जोखोम जानानै दं स्ट्राइकार सारजिय एगुयेरआ

बासिलना, 2 नभेम्बर: बासिलना हान्जानि स्ट्राइकार सारजिय एगुयेरआ बिखानि जेनाजों भुगिनानायनि जाहोनाव थाम दाननि थाखाय हान्जानिफ्राय जानगाराव थानासिगोन। शनिबाराव ला लीगानि मोनसे मेचआव बासिलना हान्जाया डू गेलेदोंमोन आरो बे मेचनि गिबि हाफआव बिखा सानायनि जेनाजों भुगिनानायनि फोथारनिफ्राय जानगाराव थादोंमोन। खोंरं बिजोडव फोरमायनाय बादिल्ला बिथाड थाम दाननि थाखाय देहा



फाहामसालियाव थानासिगोन। मख 'जाथावदि, लियनेल मेसिआ बासिलना हान्जानिफ्राय नागारलानायनि उनाव हान्जायाव मोजा स्ट्राइकारनि आंखाल जादों आरो बे समाव स्ट्राइकार सारजिय एगुयेरनि जोखोम जानाया

आरो बे समाव बिखा सानायनि जेनाजों भुगिनादों। सारजिय एगुयेरआ दासिमाव गासैबो टुर्नामेन्टनि बादायलायनायाव मोनबा मेचआव बाहागो लानो हादों। थानाय सप्ताहयाव बासिलना हान्जानि आफादगिरिआ कच रनाल्ड कमेनखों बिबानिफ्राय बोख्खायदोंमोन आरो सारजिय बारजुयानखों कच खालामनाय जादोंमोन। मख 'जाथावदि, बासिलना हान्जाया लोरबां गेलेनायजों जुजिगासिनो दं आरो पइन्ट फारिलाइन टप-4 मासिनिफ्राय जानगाराव दं। □

## एनडि मरेआ पेरिस अपेनआव जेन्नाबाय

पेरिस, 2 नभेम्बर: पेरिस अपेननि 64 राउन्डआव एनडि मरेआ जार्माननि गेलेगिरि डिमिनिक कपेरनि आखाइयाव 6-4, 5-7, 7-6 स्क्राव जेन्दोंमोन। एनडि मरेआ मेचनि 49 जौखोन्दो सार्भखों गोरोग्थि खालामना पइन्ट खोमाना लादोंमोन। खेबनै अलिम्पिक सेम्पियन एनडि मरेआ गिबि सेटनिफ्रायनो लोरबां गेलेनायजों भुगिनादोंमोन जायनि जाहोनाव गिबि सेटआव 6-4 स्क्राव जेन्दोंमोन, नैथि सेटआव फिन गोखोडै गेलेना नै 5-7 स्क्राव देरहादोंमोनब्लाबो जोबथा सेटआव 7-6 स्क्राव जेनफिनो आरो पेरिस अपेननि बादायलायनायनिफ्राय जानगाराव थानाडें। सोलिफु बोसोरनि बादायलायनायाव बिथाड 13 मेचआव देरहासाद आरो 13 मेचआव जेन्नो गोनां जादोंमोन। जोबथा सेटआव पइन्ट आरजिनयनि गोबां खाबुखों मोनो हादोंमोन नाथाय गेलेनाया लोरबां जादों आरो बे मेचआव देरहानायनि रंगैथि गैया होना एनडि मरेआ खोंरं बिजोडव फोरमायो। पेरिसनि गिबि मेचआव मरेआ आमेरिकानि क्वालिफाइयार जेन्सन बुक्सबिन हेंथायै बादायनो गोनांमोन नाथाय बुक्सबिआ गावनि मुंखों बोखारना लाफिनयनि जाहोनाव मरे आरो कपेरनि गेजेराव बादायलायनाय



जायो। गुबुन मेचफोराव फारियै केमरन नुरिआ 6-2, 6-1 स्क्राव आरजिनयनि फेडेरैक डेबलनिसखों फेजेनो। सार्नैनि गेजेराव गोखों गेलेनाय जादोंमोन आरो माखासे थासारियाव बिथाड पइन्ट आरजिनो हायाखे होना मेच जोबखानायनि उनाव खोंरं बिजोडव फोरमायो। □

## गोथार दिवाली-रैखाथि दिवाली

2021

दिवालीनि समाव माखासे खालामनांगौ आरो खालामनाडै



अन्नानै फटका बेरफुहोनाय समाव सरकारनि नेमखान्थि-बिथोनफोर आरो थिखानाय समखों मानिनानै सोलि।



मथर-गारिनि खाथियाव फटका बेरफुहोना नाडा। फटका सावनानै माब्लाबाबो गुबुननि देहायाव गारहरनो नाडा।



आलारि बाति आरो ममबाति सावनाय समाव गिदिरफोरा गथ'साफोरनि सायाव नोजोर लाखिनांगौ।



फटका बेरफुहोनाय समाव रैखाथि गोनां जायगायाव थानांगौ।




जोंबाय थानाय ममबाति एबा आलारि बाति गोमोराजासिम नागारनानै थांनो नाडा।



आखाइयाव फटका लानानै सावनो नाडा, फटका बेरफुहोनाय ममबाति एबा गोलाव खाथि बाहाय।




फटका बेरफुहोनायनि सिगाडाव जेब्लायबो बालिटं बुंजासे दै खाथियाव लाखिनांगौ।



अर खामोब्ला, खामनाया जेब्लासिम बाडाय जाया अब्लासिम टेपनि दैखों लुबाय था।



देहायाव अर खामोब्ला लोगो-लोगो हायाव उन्दुनानै बेलथायबाय थानांगौ।



जेब्ला गोब्राबै अर खामो अब्ला लोगो लोगो जोखोम जानायखों साखाथिनि देहा फाहामसालिआव थिसनहै।

**सांघ्रां जा रैखाथियै था**

अर आरो इमार्जेन्सि सिबिथाय, आसाम, गाहाय बिथोनगिरि मावख'जों राइजोफोरनि मिथिनयनि थाखाय फोसावनाय

101 नवराव जूवालय खबाम

Janasanyog /D/8605/ 21